

山東武定府惠民縣鄉土志

山東武定府惠民縣鄉志

光緒丙午  
春月  
鐫版

惠民縣鄉土志序

鄉土志者此鄉中博學能文之士志其鄉土所有可徵可信可法可傳可以感發性情可以考察得失可以驗實業之盛衰可以覘民物之豐耗示我童蒙俾知愛鄉土卽愛

國家日生其尊君親上之忱者也夫鄉土不過數十里或百餘里鄉土之可志者不過載籍所傳與見聞所及言史事則牛一毛言地理則土一撮言物產則太倉一握粟恆河一團沙耳欲以爲初學增智術擴仁心毋乃太隘而不知凡我童蒙見淺識

武定府惠民縣鄉土志

序

寡駭示以中外歷史與地全圖與夫聲光電化汽機測算農工商礦等學均或茫然苟示以其鄉之仁人義士勝地名區以及形形色色可以快人耳目滑人心思之物未有不色然驚欣然喜者况敬恭桑梓人有同情與語某忠某孝必將步趨其後塵不徒慨慕而已與語某山某水必且想像其高深不徒留連而已與言某物有機某物無機必且窮究其情狀探索其體用不徒生之育之化合之而已推此以達彼由近以擴遠舉凡十九世之紀載五大洲之疆域百千萬億之飛潛動植鄉土志

其濫觴乎登高自卑行遠自邇比物此志也  
記醜而博君子所誅務廣而荒吾儒所戒方今

功令擬以鄉土爲訓蒙課本推

堯舜禹益之用心蓋逆知小學堂教習或競談宏博小  
學堂學生或務好新奇舍切近而馳騫遐荒師也  
蒙甫田之誚弟也蹈躐等之愆竊吾學界豈云淺  
渺是以預防其弊

諭飭各省督撫着各府廳州縣擇士紳之博學能文者  
就鄉土編課以授童蒙濶甚良誼甚美也惠爲古  
棣名都徵事實則忠孝廉節不乏其人考形勢則

武定府惠民縣鄉志

序

二

襟海帶河夙稱上郡辦物類則有知覺無知覺有  
性靈無性靈咸具夫天生人爲之妙用曾緣是恪  
遵憲檄延王教授潤生陳訓導筠軒高拔萃卓堂  
與二三同志照小學堂章程歷史輿地格致三科  
按目攷查依例采錄三易其稿以成是編分爲三  
卷亟集資先付剞劂刷印五百冊頒給各小學堂  
以爲師弟授受之定本教固淺近易明學亦親切  
有味因而愛其鄉土遂愛

國家尊君親上之忱庶幾乎油然而生由是進而上  
擴而充統古今中外諸書悉裒然饋我屢我人無

不智人無不仁未始非鄉土志有以開其端也此  
吾學普通之基礎與亦吾民歸厚之方鍼與

光緒三十二年歲次丙午二月中澣知惠民縣事

文水王學曾撰

惠民縣鄉土志

縣名考

惠民縣為武定府附郭 府城即縣城

周為無棣屬齊國 左傳賜太公履北至無棣

秦為厭次縣屬齊郡 史記秦始皇以東南有天子氣乃東巡以厭之次舍於此故名

漢改置厭次為富平 屬平原郡

東漢永平五年復改富平為厭次 屬平原郡

魏屬樂安郡

晉樂陵國屬冀州徙刺史治於厭次 領縣五厭次首邑

北魏屬樂陵郡 徙厭次縣治於馬嶺城

隋為厭次縣屬渤海郡 開皇十六年廢郡置棣州大業六年改滄州武德初置

唐初置棣州 武德四年尋隸滄州八年後復為棣州

武定府惠民縣鄉土志

縣名考

五代俱為棣州 梁華溫琪為棣州刺史徙新州於厭次武定以通河惠周顯德三年割棣州之蒲臺渤海置棣州棣州領縣厭次高河陽信

宋分為棣州 隸河北東路上樂安郡領縣如周大中祥符八年改棣州及厭次縣於陽信界喬于鎮之八方寺

金為厭次縣 屬山東東路棣州防禦軍地

元為厭次縣 屬濟南路棣州

明改武定州 洪武元年省厭次縣入棣州永樂初置改樂安州宣德元年平漢庶人高煦改武定州隸濟南府

右為歷史類未置本境以前地名合並登明

皇清升為武定府置惠民縣 雍正二年分為直隸州十二年升州為府置附郭縣曰惠民編戶九十八里

右為歷史類既置本境以後屬郡名稱合並登明

政績錄

漢

冀遂山陽人宣帝時渤海多盜以遂為太守至郡悉羅逐捕吏賊聞教令即時解散  
乃開倉賑恤之勸民務農桑畜養有帶刀劍者使賣劍買牛賣刀買犢數年郡中  
皆有蓄積訟獄衰息

楊璇字璣平會稽人靈帝時三遷為渤海太守有異政

魏

陳矯字季弼廣陵人魏武時辟為樂陵太守文帝嘗稱之曰陳季弼臨大節明略過  
人信一時之俊傑也

韓暨字公至隱居魯陽山中魏武辟為丞相曹屬後遷樂陵太守所至皆稱職

晉

鄒湛字潤甫新野人少以文學知名太康時為渤海太守多惠政

武定府惠民縣志

政績錄

二

劉亮懷愍時渤海太守以王浚謀將借說亮不從過書

邵續字嗣祖魏郡人樸素有志烈王浚領幽冀假續樂陵太守屯厭次以續子又為  
督護綏懷流散多歸附之後以孤危無援權附石勒既而段匹磾在前趙書繼續  
俱歸元帝續從之其下皆諫曰今棄勒歸匹磾任子危矣續垂泣曰我出為國  
得顧子而為叛臣哉絕勒勒害又元帝以續為平原太守後為勒所執不屈而死

北魏

李淑虎渤海人好學博聞有識度太和中為樂陵中正清真自矢有公平之稱  
蘇淑字仲和武邑人熙平中除樂陵內史撫綏甚有民譽後謝病歸民吏老幼乞留  
者眾當時稱良二千石

封子繪字仲藻穆人世宗時渤海太守曉達政事長於撫綏州郡以安

北齊

房豹字仲幹清河人任樂陵太守鎮以凝重良於前代除閭閻淨固空虛郡瀕海

水味多鹹苦豹命鑿一井遂得甘泉迺通以爲政化所致

高攸樂陵太守政尚嚴時號神明

隋

裴蘊聞喜人高祖時棣州刺史有能名大業中考績連最

唐

員半千字榮期全節人武后時兼控鶴內供奉忤旨下遷棣州刺史在郡不專任吏嘗以文雅粉澤教化大行有清白節

曹華楚邠人憲宗初遷棣州刺史州居鄆北時鄆賊掠商河華擊賊斬首二千級復其縣又募羣盜可用者貸死補屯卒賊由是不敢北

樂蒙文宗時棣州刺史李同捷叛蒙密上變事洩爲同捷所害

邵播昭宗時爲棣州刺史天復三年朱全忠陷棣州播不屈死之

五代

### 武定府惠民縣鄉志

政績錄

三

華溫琪字德潤下邑人梁代棣州刺史時河溢爲患溫琪徙新州以避之民賴其利

張錫閭縣人梁末劉君鐸任棣州刺史辟爲軍事判官都有勲務以牙將主之願

恣民販麴三斛執實之死旣而牙將盜官麥百斛私造麴事覺錫判曰麴販三斛求生不克麥盜百斛免死誠難因實於法後知州事歷九任並以清節聞

劉遂清安邱人後唐明宗時任棣州刺史有善政迎養其母及郊親執轡行數十里州人咸感其孝

李瓊饒安人後晉出帝時爲棣州刺史楊光遠反以書招之瓊拒而不納

宋

何繼筠字化榮河南人周太祖時嘗爲棣州刺史宋乾德中授棣州防禦使以功拜建武軍節度使仍領棣州前後二十年與士卒同甘苦得其死力邊人畏服其子承矩爲衙內指揮使善撫循百姓

周渭字德臣恭城人開元初知棣州監軍傅延翰謀走契丹渭擒之在郡以簡肅稱

及代吏民遮道乞留

孫冲字升伯平棘人大中祥符五年河決棣州知天雄軍寇準請徙州治堤命冲往視冲還言徙州動民不若塞河為便遂以冲知棣州自秋至春河凡四決冲皆塞之

李仕衡字天鈞成紀人真宗時為河北轉運使棣州苦河決仕衡奏徙州北七十里既而大水沒故城丈餘明年旱蝗請發粟賑民

張士遜字順之陰城人真宗時為河北轉運使時避河患徙州陽信議者以所遺糧多為不可遷士遜視瀕河州縣方乏食即計所餘以貸貧者期來歲輸還公私便之

賈同字希得臨淄人篤學好古有時名王欽若方貴盛聞同名欲致之固謝不往己而知棣州尋卒門人私謚曰存道先生

張洞字仲通祥符人仁宗時知棣州河北地當六塔之衝者歲決溢病民田水退強者

### 武定府惠民縣鄉土志

政績錄

四

冒占弱者耕居無所洞乃具奏一切官為標給蠲其租由是河北東路民富蠶桑

陳師道字無己彭城人元符三年除棣州教授左右圖書日以討論為務

金

劉仲誨字子忠宛平人大定時為棣州防禦使厭次縣捕得盜數十人詣州希賞仲誨疑有冤緩其獄同僚曰縣境多盜請悉實之法以懲其餘仲誨不聽乃擇老穉者先釋之未幾果獲真盜人歎其識

完顏承元宗室子世宗時為棣州防禦使泰甯軍節度使張宏信通檢山東專以多得民物為功督責苛急承元面責之宏信無以對於是棣州賦稅得以實自占徒單繹世宗時遷棣州防禦使以政績聞

元

明

魏述蒲州人天順間任武定知州剛直清敏敦崇禮教斥出異端風俗頓為之變嘗

手植槐於堂下人相戒不忍損折比甘棠遺愛云

王樞泰和人成化間由進士知武定州才行純篤政事明敏

賈澄字廉夫宏治元年以進士知武定州有政聲值歲大祲不俟所司報可即開粟十餘萬斛賑之賴以全活者甚眾

趙永禎字終吉宏治進士授武定知州居官動必以禮尤以講學爲亟政暇卽課諸生文業間出理語謔之

郭大經垣曲人正德初以監生爲武定州訓導有師範人咸敬憚之

崔壘字延用通州人起家進士正德間歷官武定知州蒞任之初值流賊橫逆地當賊衝壘乃葺城郭嚴守禦賊使州境遭判官麻芝伏兵遮擊之賊不敢深入州民恃以無恐

許達字汝登河南固始人正德中由進士知樂陵縣時流賊劉七等方熾駐武定至則築城鑿池設樓櫓置巡卒已而劉七等犯利津達率兵襲之抵高苑通北鎮斬

### 武定府惠民縣鄉志

政績錄

五

首二百餘級追戰於海豐楊二莊斬首百餘級餘眾溺海死賊自是不敢入鎮境人慕其功立破寇安民碑

蘇民望字達夫博羅人署武定州學正性嗜學不輟寒暑情介自持未嘗妄笑語諸生咸慶得師

王陽字明叔河內人任武定兵備道清約自矢不苟取一介尤加意戎伍常鑄銀錢爲射的中者取之一時士馬精強爲山東最

唐侃字延直丹徒人嘉靖己未守武定性狷潔不攜妻子標琴鶴堂以自救所居廬塌土鏗晏如也庭生瑞穀一莖五穎人皆以爲清最所致會倚軍籍應發遣萬二千人侃曰武定戶口三萬是空半州也力爭之章聖梓官道出山東內奄宣言所過州縣供帳不辦者死侃置空棺傍舍中俟諸奄索錢急則指棺示之曰吾辦一死錢不可得也諸奄皆愕眙去州民帖然不擾

何文倬字元敬間之侯官人嘉靖間署武定州學正和粹雅馴能文章見者靡不歎

重之有堂名曰亦潛後人咸望其堂思慕焉

王璣字在叔號在菴西安人嘉靖間遷武定兵備僉事言動安重雖遇急遽無少怠皇練兵之暇常引諸生以學匾其政事堂曰儆戒無虞爲之記以自救退室曰立大復爲大人說以自勉

王燧字韞孟金壇人嘉靖間任武定兵備僉事見兵玩歎曰容民畜眾曰師今何如耶上計當路議秋九月朔日士卒入操冬十二月前十日止餘日放歸務農當路善其議允行之

王鑑字汝明無錫人嘉靖末知武定州廉公有威吏懼民安郡故任種馬馬不蕃息則市青充馬以充民甚苦之鑑申請上司折銀易馬郡遂不苦嘗曰凡視國如家民如子猶淺之乎視之也吾視國民甚於視吾家若子

施夢龍字伯雨無錫人繼王鑑後知武定州崇學校課耕桑孤寡殘疾責之戚里使無失所嘉禾瑞麥六出於境州人有前王後施之稱

### 武定府惠民縣鄉志

政績錄

六

孫承榮字震南長洲人萬曆中擢武定兵備副使爲政寬嚴並用葺廟學杜請謁嚴姦盜振興斯文尤加意窮民寒士嘗有餘米八百石盡給諸生時方承平承榮造火器聚火藥爲城守計民以孫佛稱之

陳瑛字魏石晉江人萬曆時以參政飭兵武定嚴斥埃治陣隍核實兵修軍器爲戰守具暇日進諸生於學宮講濂洛學未幾擢池州觀察去之日行李蕭然圖書襍被而已

張鯤字圖南涇陽人天啟間知武定州達民情慎刑獄汰浮費絕羨餘尤重經學慈祥愷悌有張父之稱

韓炳衡保定人天啟間以部郎左遷武定知州簡重安靜兩稅皆不煩督責民自樂輸與士子談經義臺臺有新旨

湯道衡字參宇丹陽人崇禎三年擢武定州時京師戒嚴奉檄徵援勦捕土寇屢克捷朝廷倚若長城

徐從治海鹽人崇禎初遷武德兵備道歷任山東巡撫固守萊城効死弗去飛炮中  
顛卒

李行志字鵬南項城人崇禎五年爲武德兵備道時天旱甚行志步禱即日大雨到  
官月餘胥吏有作奸者悉面數之人人畏服尤嚴逸盜之禁訓練士卒著卽戎集  
行世後移鎮登萊州人思慕建祠南門外

雷續祚江南人崇禎間任武德兵備道不畏強禦總督范至完趙光忤戢兵不嚴所  
至淫掠續祚上疏劾之抵於法

曾棟字銘西臨川人崇禎十年左遷武定兵備清介嚴毅在州兩載百廢修舉興學  
校繕城郭置軍械費輒千金絲毫不累里甲造營房百間於利津海口得地窖銀  
伍百棟取以佐其費

王永積字崇殿無錫人崇禎間授武定知州捐修文廟城郭衙宇置軍器貼解俵馬  
不累閭閻清漕弊撫流亡辨冤擒盜禁止關提有告天一冊行世

### 武定府惠民縣鄉土志

政績錄

七

湯子陞劍州人崇禎中官武定州同知創書屋於署左士子肄業其中普名聲反以  
監紀軍事進討兵敗被執不屈死

賀仲軾字景瞻獲嘉人崇禎末任武德兵備道多治績後以閩變殉節

### 國朝

張中元字魁軒遼東人順治初知武定州時天下初定州南反側者尙多中元以鎮  
靜理之皆能格心向化去之日送者塞巷又持盞漿泣送三十里民懷其德建生  
祠祀之

孟化龍渭南人順治初知武定州蒞任日檄發軍餉甚急化龍見州境凋敝歎曰民  
貧若此尙堪科斂耶吾請命於上臺冀須臾緩入郡涕泣以陳格於令不得行返  
次濟陽深夜自經題詩於壁云薄宦天涯媿此生家園千里夢難成勞心撫字催  
科拙無限當年卓魯情訃至民皆感泣立祠南門以祀之

劉儀恕字喻人涇陽人康熙初知武定州時州疊罹水患官署傾圮民卒流亡積遺

盈數萬儀想經理得緒民皆復業除里中冒喂驛馬並錢糧添料餘費等項積困  
大蘇

何景燦字夢傑武義人康熙間知武定州事居官廉介吏胥無敢作奸每朔望申講  
六論以風民俗人以清慎勤稱之

董鑑江都人康熙二十四年知武定州除里長之役又詳請臨米改折及德米就近  
兌給兵糧振興學校每課士必備筆墨扇綾諸物分別獎勵在任六年德澤入人  
最深

赫達色字素菴鐵藍旗人乾隆十四年知武定府事以武定自陞州爲府未有郡志  
乃延孝廉莊肇奎編輯成書以備一邦掌故海豐黎敬五莊向爲明牧馬地雖召  
民耕無額賦有苗則征無則否後統爲正供額且倍蓰下地民苦之達色諷邑令  
請免通金三千五百減賦過半憲嚴者三部駁者再乃代請益力卒除之賦如下  
地民困以蘇又洋沽橋爲馬頰河入海之道舊有堰以護東岸當事議毀之力持

### 武定府惠民縣鄉土志

政績錄

八

不可民至今稱之

李經文正黃旗漢軍人嘉慶五年由筆帖式知武定府事到任說說以興學校課士  
子爲務延名師主講書院本程朱誠敬工夫教之躬行爲先復刊白鹿洞學規並  
集先儒名言爲諸生易今猶箴院壁多士頌之

王果內江人嘉慶二十三年知武定府事明於察吏尤勤捕緝蒞任年餘所屬鹽梟  
斂跡盜賊銷匿行無戒心夜不閉戶至今百姓咸思慕之

李天錫號玉山山西安邑縣人道光十七年署武定府事蒞事明決篤於愛民邑有  
惡棍趙松橫行城市緣事立斃之一時稱快復捐俸起立四門義學每月必周視  
各塾生徒環立停諄教語施者家人每理詞訟愷切訓導去任後義學歷久未廢  
至知府陶慶增提鹽規錢四百串立爲定案遂垂遠至今

王文煥固安人道光十九年蒞惠民縣明敏有斷才詞訟刻期集案立即訊結每日  
民間雀鼠之爭無大冤抑縱少失意不愈於稽屬案下爲胥吏剝蝕乎向規需差

車取給於民一車之費擾及四境民甚苦之文煥首爲蠲免民大悅

余榮號芝鄉善化人道光二十五年蒞惠民縣性豪爽聽斷敏捷尤務興學創建三臺書院復捐鉅資爲童生試卷費寒士賴之城垣久壞捐資修築並濬池隍所費甚鉅其他修福廟捐義地諸務畢備在任久與士民相習久若家人以陞任去六  
年來署府事時四門義學已廢復查舊案爲興舉焉

程伊湄號省齋錢塘人道光二十九年守武定沈靜有遠畧顧郡城守備久弛慨然曰安而忘危非計也首先捐廉修校場太公廟並修府前鼓樓復集邑人謀修郡城咸畏其難伊湄曰取費盈而後舉誠難節節爲之何虞費不足乎乃刻期舉事甫修北城而粵匪告警得以保全始知其智畧如神而安危之計早定也生平服御節儉歿無以殮靈輻南返行李蕭然郡人士咸感悼焉

張鼎輔號小峯鄆縣人咸豐十一年守武郡時髮逆鴟張民團蜂起邑匪王九謀通匪煽亂設計誘擒斬之同治元年二月復擒樂安團匪鄭純境內以安乃與多士

武定府惠民縣鄉土志

政績錄

九

講學七年四月捻逆撲郡城烏合數十萬鼎輔從容部署城賴以完

謝駿聲字適卿定遠人同治庚午宰惠民聽斷得民情洞燭胥役奸不少寬恕凡興役緝盜勞農勸學措之裕如爲文精敏士論服之

韓釗字貞一樂亭人光緒十五年來知縣事時惠民疊罹水患勘災請賑又捐廉以濟民急循聲丕著勵學校勤聽斷興利剔弊實事求是積勞瘁卒於官靈輻歸日士民泣送數十里絡繹不絕

右爲政績錄擇取有關興利去害聽訟者錄之合並登明

兵事錄

漢

宣帝地節中渤海盜起以龔遂為太守治之郡悉平

東漢

安帝永初四年渤海平原劇賊劉文淵周文光等攻厭次殺縣令青州刺史法雄破之

桓帝永興二年渤海盜薶延作亂未幾伏誅

獻帝初平二年冬黃巾賊張角寇渤海公孫瓚追擊大破之

晉

愍帝建興四年石勒襲邵續於樂陵續盡力逆戰大敗勒兵石勒遣石季龍擊段文鴛於樂陵破之生擒文鴛段匹磾遂率其屬降於勒時武定為樂陵郡

附

武定府惠民縣鄉土志

兵事錄

十

煬帝大業九年冬渤海格謙自號燕王孫直雅自號齊王擁卒十餘萬山東苦之格謙厭次人十年為王世充所滅至十三年竇建德據渤海地自稱長樂王國號夏

後為唐所滅

唐

高祖武德四年棣州民殺其刺史叛歸於劉黑闥黑闥竇建德部將建德滅歸隱漳南後復起兵半歲之間盡復建德舊業繼為所署車騎諸葛德威執斬之

元宗天寶十四年恒山郡太守顏杲卿敗何千年執之克樂安等十四郡時棣州改為樂安郡

德宗建中三年淄青節度使李納將李士真以棣州降是月朱滔反陷棣州

憲宗元和十三年成德軍節度使王承宗仍獻棣州初承宗獻棣州已而復拒命帝

怒遣兵討之無功後蔡平承宗懼有辨士栢耆請裴度曰願得持天子一節馳入

鎮可掉舌下之度為言乃遣往既至以大義動承宗至泣下仍請獻棣州帝乃遣

堪使者往尚書左丞崔從奉詔從至鎮又陳願逆大節禍福之效承宗即投棣州

戶口符印上之僞宗廣明元年棧州人洪霸作亂平盧節度使安帥儒道牙將王敬武擊破之

昭宗龍紀元年平盧節度使王敬武卒其子師範自稱留後攻陷棧州刺史張曙死之 三年朱全忠陷棧州殺刺史邵播

宋

太祖開寶六年春棧州兵馬殿直傅延翰謀反伏誅 九年棧州盜發殿直都虞候王榮討平之

高宗建炎二年濱州賊蓋進陷棧州守臣姜剛之死之

金

宣宗定興二年秋棧州裨將張聚殺防禦使糾卯重興據棧州以叛遣濱州轉運使田瑛遣棧州提控紇石烈蘭漢會兵討之 三年秋元將張林奉棧州郡版籍歸於宋末幾元將木華黎攻下棧州諸部復降於宋

武定府惠民縣鄉志

兵事錄

十一

元

世祖中統三年李璣反清林安撫使韓世安率兵大破之

順帝至正十七年義兵俞寶其知樞密事等降於毛貴十九年結驍由海道趨

直沽俞寶率戰艦斷糧道納麟命其子子安破於海口 二十一年八月驛罕帖

木兒率兵討棧州俞寶敗降 二十八年明大將徐達率花雲龍取棧州郡即中

張仲毅以城降雲龍守之

明

成祖永樂元年蒲葦妖婦唐養兒煽亂鄰境被其劫掠都指揮衛青等討平之

宣宗宣德元年漢王高煦據州謀大逆帝親討平之

武宗正德元年流賊劉六齊彥明等屠掠城邑陽信等縣俱被殘劫武定以知州崔

釗固守得全 七年置武定兵備道按察司僉事領之流賊犯境僉事許達斬首

數百級餘寇潛遁

世宗嘉靖二十六年春單縣妖僧惠金爲亂武定僉事王燧率民兵一千人會戰平之 三十四年倭寇犯蘇松武定守禦千戶崔彥章赴援死之百戶趙武武生劉劉劉秉端同遇害

熹宗天啟元年春遼陽失陷發武定營兵五百名新選兵八十名赴京勤王 二年鄆城等處白蓮教亂諸州邑煽動巡撫檄取武定營兵一百名會勦十一月平之 懷宗崇禎四年冬遼將孔有德叛焚掠商河諸邑逼武定南境聞城頭炮聲驚遁遇青城新城大肆殺戮百戶何呈圖率武定營兵三百人戰於新城兵潰死之 十四年武定州境南鄉土寇起 十五年土寇宋教等襲陷武定州城大掠而東是年春

王師略地三月初五日昧爽克武定城

國朝

咸豐三年虜寇北犯河朔居民各立寨自衛爲堅壁清野計由是河南山東鄉團盡

武定府惠民縣鄉土志

兵事錄

十二

起十一年清河無賴子王九招集鹽梟踞廟劇飲毫無顧忌知府張鼎輔以計斬之鄉團始懼

同治七年夏皖匪張總愚擁卒十餘萬由陝渡河竄畿南爲兵扼竄海濱連陷慶雲鹽山海豐等縣犯武定郡城知府張鼎輔率官紳守禦得全六月十二日宋張二軍破賊於洪福寺餘賊敗竄曲隄東志河地方復大破之賊遂平 右爲兵事錄涉及本境者合並登明